

Kayëte kigëna mba San Wade yehëhna hnë inji kayëte

Ale herëk inji kayëte ña wãcik umë dënk «Acër». Rac rufahnëd avë haryënkw nkentiko hnë acery sali hna. Kerëhnëka «Asëval, ale tëhna Wën, gë vërahu», rac fëhnëtanëk cery sali nte ye hnam ña do gë bulunda lëwu. Had hnë kayëte ndënkwëryënkw mba San, inji kayëte tëyëkëhni vële haranëd va nkeni vële fëcëtaf do ðuñënani hnë kwëtahn paryi hna. Tëyëkëhni nkoni hnë toña hna do hnë injahn hna. Inji kayëte nësëhnëdëhëhni vahnë va antë mawëni vakaraña wamër vante ye sifa watac fo gë vakaraña wamër vante tavëtehnini hn'ikayëte ndënkwëryënkw San.

Wëlin wanës wakwëhn nafa hn'inji kayëte: kayëte, cery sali, toña, Rëm, akwëda.

¹ Ami, acër avë cery sali ÿa, kerëhnëryidëmu wühnë, Asëval, ale tëhna Wën, gë vërahu, vële ÿahnëbu wapacëk. Gena ami fo ÿahnëku bare fëna fop vële yëtëk toña va ñahnënihu.

² Ñahnirun kabi toña ÿa gë fuhnë nke do gë fuhnë nkoð kwëlëkwël:

³ Arabi ipërëna ña do ikaÿëhnahn ña gë yam ÿa, le wãtik hnë Wën Rëm ÿa gë Yesu Këris, Aju Rëm ÿa, nke gë fuhnë hnë toña hna do hnë injahn hna.

⁴ Nënġkowo dus ante tēkatēbuhēhniwo vērah hu ga tēfēni toña ŷa, gante nke akwēda nte hnuŷayinēk hnē Rēm ŋa.

⁵ Awa tame, kēlami, Asēval, gena akwēda kasēk ile herēhnēryidēmi ŷi, bare ante hnuŷayinēk kobēri wapēgwa ŋa fo ye: tēfēka ŋahnēlin.

⁶ Inahn ŋa, umē ye imawēhn vakwēda Wēn va. Do akwēda ŋa, had nte wēryērūn kobēri wapēgwa hna, umē ye ayasahnēndu hnē watac.

⁷ Njētērun dus, vēwēr vēyabah campēni duniŷa li, do vēhni vēwawēna Yesu Kēris njijēko nke ahnē. Sifa ahnē arac ye awēr do aŷew Kēris ŷa.

⁸ Awa, kwētēryin hakili, soŋe antē pērēkan ntēwēl doku lēw fu, bare ahnuŷawu fop ile rēfēka ŷa.

⁹ Ale-wo-le wēnēk iñē hnē ikaraŋ Kēris hna do wok yawēnēna rac, ahnē arac gena Wēn hna. Ale hahnēndak hnē ikaraŋ tac, ahnē arac gē Rēm ŷa nkeni do gē Aju per.

¹⁰ Ge ahnē njijēk fagant hun njojat karaŋ kawary, antē ahacawuna do wēla simpaŷi antē ayaŷuna.

¹¹ Ale hacaka ŷa ahnē arac nkentahnik hnē vantiyehn wameh wante ntid ahnē arac ŋa.

Watēkwa

¹² Kwēhnaβu yabah ile herēhnēdēmu, bare pecehnēko antē yēdanahnēryiŷu hnē kayēte; bare nahabu yiryiŷu ŷal hun hna do hnēsēhnu ami dēnk soŋe uhnatah fu wā padahn.

¹³ Vërah ahery hu Asëval a ale tëhnak Wënu
ŋa nkaŋëryidënihi.

Wamey
Wamey: Vikerëh Vikasëk Wën gë Wapëgwala (New Testament+)

copyright © 2018 Wycliffe Bible Translators, Inc.

Language: Wamey

Contributor: Wycliffe Bible Translators, Inc.

All rights reserved.

2025-04-30

PDF generated using Haiola and XeLaTeX on 30 Apr 2025 from source files dated 1 May 2025
f961026b-f72f-5bd7-9f75-efa7f932577e